



Un Dia den Bida

Awenochi 9:10 *Repeticion tur Diadomingo pa 5'or atardi.* cu Poentje Castro

"Samba y un ex alcoholico cronico"

Email : undiadenbida@setarnet.aw





Ayera na Biblioteca Nacional Oranjestad

AHATA Comision di Medio Ambiente a habri nan exhibicion di 9 Competencia di Obra y Arte Recicla



ORANJESTAD- Ayera pa 4'or atardi, AHATA Comision di Medio Ambiente a habri nan di 9 Competencia di Obra y Arte Recicla na Biblioteca Nacional na Oranjestad. E expo aki lo keda habri te cu dia 21 di mei na Biblioteca Nacional Oranjestad y despues for di dia 24 te cu 28 di mei na Biblioteca San Nicolas.

ORARIO DI BISHITA

Diamars 18 di mei: 2 pm - 5 pm
 Diaranzon 19 di mei: 10 am - 12 pm y 2 pm - 6 pm
 Diahuebs 20 di mei: 2 pm - 5 pm
 Diabierna 21 di mei: 10 am - 12 pm y 2 pm - 6 pm

Dialuna 24 di mei: 2 pm - 5 pm
 Diamars 25 di mei: 2 pm - 5 pm
 Diaranzon 26 di mei: 10 am - 12 pm y 2 pm - 5 pm



Diahuebs 27 di mei: 2 pm - 5 pm
 Diabierna 28 di mei: 10 am - 12 pm y 2 pm - 4 pm
 E entregamento di premio lo ta diabierna dia 28 di mei pa 3:00 pm na Biblioteca San

Nicolas. E meta di e competencia ta pa conscientisa henter e comunidad pa e cuido di nos medio ambiente door di reusa, reduci y recicla productonan manera glas, aluminum, papel, carton, foam y plastic y hopi mas. Despues cu e añanan anterior tabatin bon acohiba pa e competencia di Obra y Arte Recicla y e aña aki atrobe tur cos ta muestra di bira un exito rotundo. 8 skol, 5 hotels y varios individual ta participando.

CATEGORIANAN

Tin shete (7) categorianan di e participantenan: +Kleuter Skol; Skol basico 1-3 klas; Skol basico 4-6 klas; Skol secundario; Individual amateur; Individual profesional y Grupo/hotels

E huradonan sigur ta bay tin un tarea hopi dificil pa escohe e ganadornan. Tin algun obra di arte, pronkstuk y producto di uzo diario masha bunita mes, e creatividad di e participantenan ta increibel.

Ta bay tin diferente premio atractivo cu nos lo anuncia mas despues y tur participante lo ricibi un certificado. Alabes bo tin un chens pa gana un premio tambe dia 28 di mei. Ta bale la pena pa bin wak e competencia aki. Henter comunidad di Aruba ta bon bini durante e orario stipula pa bin disfruta di un creatividad unico y bunita!

